



ქალაქ ფოთის მუნიციპალიტეტის საკრებულო

დადგენილება № 10/43

2022 წლის 23 სექტემბერი

ქალაქი ფოთი

„ქალაქ ფოთის მუნიციპალიტეტში სპორტსმენთა ხელშეწყობის პროგრამის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 28 თებერვლის №6/5 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ ფოთის მუნიციპალიტეტის

საკრებულო ადგენს:

მუხლი 1.

„ქალაქ ფოთის მუნიციპალიტეტში სპორტსმენთა ხელშეწყობის პროგრამის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 28 თებერვლის №6/5 დადგენილებაში ([www.matsne.gov.ge](http://www.matsne.gov.ge) 10/03/2014, სარეგისტრაციო კოდი: 010250020.35.111.016195) შეტანილ იქნეს ცვლილებები, კერძოდ: დადგენილებით დამტკიცებული N1 დანართის (ქალაქ ფოთის მუნიციპალიტეტში სპორტსმენთა ხელშეწყობის პროგრამა):

ა) მე-4 მუხლი ჩამოყალიბდეს შემდეგი რედაქციით:

„მუხლი 4. მწვრთნელისათვის გასაცემი ფულადი წახალისება გაიცემა წლის განმავლობაში აღსაზრდელებს შორის საუკეთესო შედეგის თანახმად, ქალაქ ფოთის მუნიციპალიტეტის მერის ბრძანების საფუძველზე.“

ბ) მე-5 მუხლის 27-ე პუნქტი ჩამოყალიბდეს შემდეგი რედაქციით:

„27. ვეტერან სპორტსმენებს შორის მსოფლიო ჩემპიონატებში, ევროპის ჩემპიონატებში, საქართველოს ჩემპიონატებში და პირველობებში გამარჯვებულ სპორტსმენზე გაიცეს ჯილდო, შემდეგი ოდენობით:

მსოფლიო ჩემპიონატი ვეტერანებს შორის

I ადგილისთვის სპორტსმენზე გაიცეს 2500 ლარი.

II ადგილისთვის სპორტსმენზე გაიცეს 2000 ლარი.

III ადგილისთვის სპორტსმენზე გაიცეს 1500 ლარი.

ევროპის ჩემპიონატი ვეტერანებს შორის  
I ადგილისთვის სპორტსმენზე გაიცეს 2000 ლარი.  
II ადგილისთვის სპორტსმენზე გაიცეს 1500 ლარი.  
III ადგილისთვის სპორტსმენზე გაიცეს 1000 ლარი.

საქართველოს ჩემპიონატი ვეტერანებს შორის  
I ადგილისთვის სპორტსმენზე გაიცეს 1000 ლარი.  
II ადგილისთვის სპორტსმენზე გაიცეს 500 ლარი.  
III ადგილისთვის სპორტსმენზე გაიცეს 300 ლარი“  
მუხლი 2.  
დადგენილება ამოქმედდეს გამოქვეყნებისთანავე.

საკრებულოს თავმჯდომარე

ალექსანდრე ტყებუჩავა

